

五 四〇七九

貴州安南縣志


地 360N5E  
41-9

共九冊



南縣志  
抄本

物  
産  
志



物產志

穀屬

黃粘穀

黑粘穀

白穀粘穀

北風穀

冷水粘

矮粘

黃瓜粘

羊毛粘

銀梗粘

舊志云穀之屬有數種以粘名者有黃黑白之分

府志云府轄親境產粘穀有黃黑白三種至北風粘冷

水粘黏黃瓜粘此四種產興義縣羊毛粘銀梗粘此二

種產安南縣米粒堅細潔白如玉按府親轄所產黃

黑白三種及興義縣所產之冷水北風黏粘黃瓜四種

安南俱有之

黃毛粘

紅毛粘

黑毛穀

舊志云以毛名者亦有黃紅黑之異

黃糯穀

白糯穀

紅糯穀

埽帚糯

矮脚糯

黍糯

猪屎糯

舊志云其糯稻有黃紅二色為釀酒之具

按糯穀黃者粒大紅者粒小白糯糯產本邑埽帚糯矮



脚糯猪屎糯黍糯此四種亦產本邑

早稻 晚稻 早稻

舊志云早稻色白晚稻色白早稻色黃

按早稻產本邑及府親轄境貞豐自播種以至成熟首  
不過百日晚稻必至九月方可收穫至早稻無論高地  
山巔皆可種矣

大麥 小麥

舊志云麥有大小兩種

燕麥

舊志云又有燕麥熟於五六月收之為麪以充餅食

按燕麥本草衍義云苗與麥同但穗細長而疎唐劉夢  
得所謂菟葵燕麥動搖春風者是也救荒本草云燕麥  
穗極細每穗又分小叉十數子亦細小春去皮作麪蒸  
食又作餅食本草綱目云燕麥野麥也燕雀所食故名  
丹鉛錄誤以燕麥為烏麥非是烏麥即蕎麥見用本草

苦蕎麥 甜蕎麥

舊志云其蕎莖赤花白子三稜藝于春秋每歲二收麪可食山麓之工多種之

按蕎麥之名見于玉篇今全郡皆產王楙農書云磨麩作餅或作湯餅滑細如粉有甜苦二種苦蕎春種甜蕎秋種舊志云藝于春秋每歲二收指此苦甜二種也苦蕎春社前後種莖青多枝葉尖花葉綠色結實稍尖而稜角不峭其味苦磨搗為粉蒸滴去黃汁乃可作糕甜蕎立秋前後下種八九月收性最畏霜苗高一二尺赤

莖綠葉開小白花繁密故白居易詩云蕎麥鋪花白結實纍纍如羊蹄實有三稜者則烏黑故名黑烏麥又名收麥本草綱目云蕎麥莖弱而翹然易長易收故曰蕎又曰收

## 稷

按稷產本邑考稷似麥而小即粱是也古人重之用以祭祀爾雅翼云稷粱一物赤者名糜白者名<sup>芑</sup>黑者名秬本草綱目云稷與黍一類二種粘者為黍不粘者為

稷稷可作飢今俗呼為黍子本邑阿都田多產之

馬尾高粱 糯高粱 飯高粱

按此三種均產本邑

粘粟 糯粟

按粟俗呼小米粘糯二種本邑皆產

包穀 黍菽 紅菽

識畧云本邑高山陡嶺此三種無處無之

按包穀黍菽紅菽本邑皆產本邑多山三種宜山故種

之者較稻穀為多考包穀一名珍珠米苞生如梁山巔  
可種無水亦生其粒甚大可以為飯邑之貧民多以代  
穀

芝麻

舊志云麻可為油亦時種植

按舊志所云麻可為油乃油麻即別錄之胡麻本草衍  
義之脂麻今俗呼為芝麻是也

苧麻 大麻 苧麻

明一統志云本邑產苧麻

通志云苧麻出本邑供織績子亦可食

舊志云本邑產大麻

按苧麻即周禮疎之象麻大麻即神農本草之大麻是也苧麻即大麻之無子者苧麻即象麻大麻即大麻大者為象麻雌者為苧麻尔雅翼云無子者為象詩疏云雄其言是也廣韻云有子曰象無子曰苧其言非是攷固礼云苧麻之有實者注云有子之麻為苧子豫王篇注云苧有子麻也李时珍云大麻即大麻雄者為象雌者為苧其說與詩疏尔雅翼合韻廣之說非也明一統志云通志云三種均

產本邑

紅稗 糝子

舊志云有紅稗糝子之屬其粒甚細可為飯種於高地皆可資食之不足

按糝子五月種苗如芟黍八九月抽莖有三稜莖開細花簇簇結穗如粟穗而分數歧如鷹爪之狀内有細子如黍粒而細赤色其稃甚薄其味粗澁正字通云糝子一名龍爪粟俗呼鴨脚稗是也

豆屬

黃豆 黑豆 飯豆 菘豆

舊志云豆有黃黑二種其顆大又有顆小色雜黃紅黑者名為飯豆熟之和于飯為佐食之需

按此四種產均本邑

蠶豆 豌豆

按豌豆即詩之荏菽爾雅之戎菽管子云山戎出荏菽即今之豌豆是也又名畢豆廣雅云畢豆豌豆也崔寔

政今作躡豆出自回鶻廣唐書云出西戎回鶻地故遼志又稱為回鶻唐豆飲膳正要又稱為回回豆嫩特色青老則色班故孫思邈千金方謂之青小豆陶隱居別錄謂之青斑豆本草綱目云豌豆其苗<sup>柔</sup>弱宛宛故謂豌豆名八九月下種苗生如蔓有鬚葉似蒺藜兩兩對生嫩時可食三月開小花如蛾形淡紫色結莢長寸許圓如藥丸亦似甘草子煮炒皆佳磨粉麩甚白細膩百穀之中最為先登以上諸豆本邑均產

蛾眉豆 羊眼豆

按蛾眉豆羊眼豆產本邑者佳蛾眉豆即扁豆別錄謂之菹豆名以蛾眉象豆脊形也羊眼豆即扁豆之大者黃泥豆 紅豆 綠豆 白果豆 茶豆 冬豆 靴豆 四季豆 泥鰯豆

按以上諸豆均產本邑者佳

豇豆

舊志云豇隨時出

按豇豆郡人呼為裙帶豆此豆多紅色莢必雙生三四寸種一種蔓豆<sup>短</sup>其葉俱本大末尖嫩時可茹其花有紅白二色莢有白紅紫赤斑駁數色長者至二尺其白莢紅莢者俗有呼為白莢豆紅莢豆李時珍云此豆可菜可果可穀豆中上品產本邑之全境也

角豆 刀豆

按此二豆產本邑者佳刀豆西陽雜俎謂之挾劍豆以莢形如形<sup>刀</sup>劍也三月下種蔓生引一二丈葉如豇豆葉

而稍長大五六月開紫花如蛾形結莢長者近尺微似  
皂莢扁而劍脊三稜宛然嫩時煮食醬食蜜煎皆佳李  
時珍云老則收子大如拇指頭淡紅色同猪肉雞肉煮  
食尤美

蔬屬

雞縱菌 青桐菌 芝蔴菌 芋草菌

按邑產菌凡四種雞縱為佳雞縱即莊子所云之雞菌  
也集韻作縱集韻云縱土菌也字彙云土菌高脚繖頭

俗謂之雞縱本草綱目云南人謂為雞縱言其味似雞  
也高頭繖脚土人采烘寄遠以充方物點茶烹肉皆宜  
氣味似香蕈其價頗珍又黔書中載丁煒一說謂雞縱  
醬即蒟醬昔漢武帝食而甘之遂開通西南夷梁武帝  
嗽覺美曰與肉何異勅復禁之今邑人以雞縱入醬油  
味尤旨

附文

雞縱說

康熙青田 雲  
州 德州

負苞之族肉芝之遠裔也一名螳奪所生之下多白螳  
氣所蒸也秋七月生淺草中初奮地則如立漸如蓋移  
畧則紛披如雞羽故曰雞以其從土出故曰縱種有二  
惟紫者可茹白能傷人蓋竊其似以亂真不可以不察  
也又有肥瘠之殊肥者味厚瘠則薄理固然也蹲而采  
之來歲可再得立則否然亦視其雨暘之愆若為羨耗  
以之充庖甘鮮殊可悅熾而藏之膏而漬之埤雅引莊  
子雞菌不知晦朔集韻塏土菌也鳥飛而斂足菌形如

之見黔書

雞縱菌賦

張相南皮人

浚烟漠漠雨初晴郊外雞縱菌乍生采滿筠籃歸去也  
有人厨下倩調羹時維七月序近三秌菌芽乍吐菌莖  
將抽名以雞而黔書曾解名以縱而字典都收梅誕生  
詳言其狀李瀕湖省悟其由性清神而益胃形高脚而  
繖頭觀其冒雨忽生驚風亂颭前山後山三點五點白  
質兮宜分赤莖兮宜檢如雞雨之初垂似雞足之欲斂

草雜萋萋人來冉冉望原隰兮山色蒼鎖群峰兮對夕  
陽花狎禪考女荷笠兮攜筐陟崎嶇之鳥道登崩方之羊腸  
非佳節而挑菜豈春盡而尋芳采將奇苗佐我羹湯若  
夫菟名馬齒菜號龍鬚苻則鳧葵是喚莎則鴨脚相呼  
雖佳名之并妙比異品兮懸殊重以初似笠張繼如蓋  
起客離冀北之鄉名重滇南之美問價則數解青蚨似  
根而叢生白蠟羨得地兮黔中知滋榮於雨裏水之涓  
兮山之坡伊人采兮踏綠莎既珍羞之可薦復病痔之能  
瘡香飄清冽影弄婆娑娑嘉蔬之風味爰誌異而興歌曰  
香菌號雞縱托根依芳草有客異味嘗雅欲黔南老又  
歌曰雨後空山有足音雞縱香菌饜儂心亂峯迢遞烟  
嵐鎖知在深山何處尋

附詩

雞縱

明正德 楊慎 成都人

海上天風吹玉芝樵童睡着不曾知仙翁近住華陽

洞分得瓊英一兩枝見楊升菴集

雞縱

乾隆榆次縣知縣路孟達人畢節

茸茸如蓋繞山城若箇鄉關取次評千集筠籃傳畫意  
一肩曉市聽秋聲甘同香菌難專美采向且蘭獨擅名  
幾度園林頻指點瓜壺風景助詩情見大定志

香蕈 木耳 石耳

按三物產本邑考玉篇云蕈地菌也宋陳仁玉蕈譜以  
香蕈居第七品日用本草云蕈生桐柳柞木工紫色者  
名香蕈食物本草云香蕈生深山楓爛木上小于菌而

薄黃黑色味香美李時珍云蕈從覃香蕈味雋永有覃  
延之意木耳韓文稱為樹雞或又稱木菌稱為耳象形  
也生於木上故曰木耳石耳用本草云生諸山石崖上  
遠望如烟李時珍云狀如地耳采曝餽遠洗去沙土作  
茹勝于木耳佳品也

粉葛

按粉葛蔓延遍野根可漉粉花可解醒有甘苦二種

蕨

府志云蕨出於山

按蕨邑人呼為蕨菜考蕨之名見於詩召南及爾雅爾雅注云初生無葉可食詩蔬云初生似鼈脚埤雅云蕨初生狀如雀足之拳又如人足之蕨故名蕨李時珍云蕨二三月生芽拳曲如小兒拳長則展開鳳尾高三四尺其莖嫩時以灰湯煮去涎滑晒乾作蔬味甘滑亦可醋食其根紫色皮內有白粉搗爛再三洗澄取作粬救盪皮為線食之色淡紫而甚滑美今邑人烹蕨湯沃以

雞汁味尤美

油菜

舊志云油菜之屬子可為油亦特種植

青菜 白菜

舊志云蔬之屬菜有青白二種

按邑之產白菜甘美不亞於燕魯具有一種邑人呼為蓮花白者尤佳考本草綱目白菜即菘即南史所云之秋末晚菘是也

柴胡菜

按邑產柴胡菜乃柴胡之嫩苗也名羅鬼菜俗呼為姨媽菜

牛皮菜

按牛皮菜以形似牛皮故名

藟子

按藟子形似蒜頭瓣如百合花色白而間以淡紅色人多以鹽醃食實即薤之根也李時珍云薤一名藟子人因其根白故呼為藟子其言可證又云如小蒜一本數顆相依而生五月葉青則掘之否則肉不滿煮食芼酒糟藏醋浸皆宜

春韭 早葱 胡葱 四季葱

舊志云韭薤蒜葱隨時而出

按邑產春韭肥嫩味美較他邑為佳葱有早葱胡葱四季葱三種薤即藟子已詳前條蒜則不異于他邑

芥菜 土苧菜 冬苧菜 白茄

舊志云薑芥菹茄並隨時出

按芥俗呼為鉤菜菹有土菹冬二種考菹之種凡六赤菹白菹人菹紫菹五色菹馬齒菹也邑之士菹即赤菹邑之冬菹即馬齒菹一名五行草以葉青梗赤花黃根白子黑也又蜀本草云此菜葉小者節葉間有水銀每十斤有八兩至十兩附考以廣異聞薑同他邑茄有紫白二種紫者充蔬白者栽為盆景

菠菜 大芹菜 小芹菜

舊志云土產芋菠豷芹

按菠菜本名菠薐菜嘉話錄云菠薐種自西國來有僧將其種云是頗陵國之語種訛為菠薐耳又唐會要云太宗時波尼維國獻菠薐菜類紅藍即此菜也邑之芹菜有大小種芋同他處豷已詳前

蘿蔔 胡蘿蔔 地蘿蔔

舊志云蘿蔔四時皆有味甘脆

按蘿蔔產本邑即爾雅之蘆菹爾雅蔬云蘆菹今謂之

蘿蔔後漢劉盆子傳謂之蘆菔唐本草謂之萊菔今邑  
產有紅白二種紅者即胡蘿蔔是也李<sup>時</sup>珍云胡蘿蔔有  
黃赤二種今邑又有地蘿蔔一種大如拳色白生食似  
梨微有蒿氣熟食味似荸薺極甘美為諸書所載似金  
匏攷北征錄所言之沙蘿蔔而又小異

### 蒿苳

按蒿苳俗呼為蒿菜正二月下種葉折之有白汁粘手  
四月抽臺剝皮生食味如胡瓜糟食醬食煮食皆良鹽  
醃晒乾謂之蒿笋杜甫有種蒿苳詩則此菜由來已久  
又續博物志及墨客揮犀並云蒿蒿菜自蒿國來故名  
有毒百蟲不敢近蛇虺觸之則目瞑不見物人中其毒  
以薑汁解之

### 諸葛菜

按諸葛菜產本邑俗人呼為菁即蔓菁也嘉話錄云諸  
葛亮所止今兵士獨種蔓菁取其甲纔出甲可生啖一  
也葉舒可煮食二也久居則隨以滋長三也棄不令惜